



SAOPŠTENJE ZA JAVNOST

Presuda za visoku korupciju zbog zloupotrebe položaja ili ovlaštenja zastupnika u Skupštini Brčko distrikta BiH

(Brčko, 24.12.2025. godine)

Objavom presude pred Osnovnim sudom Brčko distrikta BiH nepravosnažno je okončan krivični postupak protiv Alije Denjagića (60)*, zastupnika u Skupštini Brčko distrikta BiH i Enide Osmanović Stevanović (28)*, predsjednice UG „Sjedinjene nacionalne manjine“ iz Brčkog, zbog izvršenja krivičnog djela „Zlouporebe položaja ili ovlaštenja“ vezano za korištenje dodijeljenih grant sredstava udruženju građana.

Prvostepenom presudom prvooptuženi Alija Denjagić (60)* osuđen je na kaznu zatvora u trajanju od 11 (jedanaest) mjeseci zbog izvršenja krivičnog djela „Zloupotrebe položaja i ovlaštenja“, izrečena mu je mjera sigurnosti zabrane vršenja dužnosti zastupnika u Skupštini Brčko distrikta BiH u trajanju od 4 godine, te obavezan je da vrati protivpravnu imovinsku korist stečenu krivičnim djelom u iznosu od 9.063,37 KM. Istom presudom, drugooptužena Enida Osmanović Stevanović (28)* osuđena je na kaznu zatvora u trajanju od 8 (osam) mjeseci zbog izvršenja krivičnog djela „Zloupotrebe položaja i ovlaštenja“ u svojstvu predsjednice UG „Sjedinjene nacionalne manjine“, te joj je izrečena mjera sigurnosti zabrane vršenja dužnosti odgovorne osobe u udruženjima građana i fondacijama u trajanju od 4 godina od dana pravosnažnosti presude.

Dakle, Tužilaštvo Brčko distrikta BiH je u toku prvostepenog krivičnog postupka dokazalo da je Alija Denjagić, skupštinski zastupnik u aktuelnom sazivu Skupštine Brčko distrikta BiH, sa pozicije zastupnika u Skupštini Brčko distrikta BiH u prethodnom sazivu u periodu od 2018. do 2021. godine, putem amandmana na budžet osigurao grantove udruženju građana „Sjedinjene nacionalne manjine“, a zatim tako dodijeljena sredstva zloupotrebjavao na način da je uz saglasnost predsjednice udruženja Enide Osmanović Stevanović sredstva ovog udruženja građana koristio za svoje vlastite potrebe i potrebe njemu bliskih osoba.

Nakon prijema pisanog otpravka predmetne presude, Tužilaštvo Brčko distrikta BiH biće u prilici objaviti opširnije pisano saopštenje za javnost.

****Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA
RADMILO IVANOVIĆ**